

DISPVATATIO POLITICA
DE
MVTATIONIBVS
RERVM PVBLI-
CARVM
QVAM

Deo ter opt. Max. annuente

SUB PRAESIDIO

CLARISSIMI VIRI,

HERMANNI CONRINGII

medicinæ doctorandi, naturalis philosophiæ in in-
clyta Iulia professoris publici, & præceptoris
sui omni observantia atque honore
prosequendi,

publico examini subijciet

CHRISTIAN WILHELM ENGEL-

BRECHT Halensis-Saxo,

Ad diem XXI. Martii

IN AVDITORIO MAIORI.

*)o(

HELMESTADI,

Typis IACOBI LVCII Typogr. Academici,

ANNO MDCCXXIV.

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY



THESIS I.

Differenti de omnibus omnium rerumpubl. mutationibus atque interitu, natura quoque ac constitutio uniuscujusque nota esse debet. Sunt autem respubl. aliae perfectae aliae imperfectae. perfectae sunt, in quibus vel unus vel pauci vel multi bonum spectant commune, eoque omnia referunt, ut cives sint quam beatissimi. *nam sicuti gubernatori cursus secundus, medico salus, imperatori victoria, sic moderatori reipubl. beata civium vita proposita esse debet, ut opibus firma, copiis locuples, gloria ampla, virtute honesta sit.* imperfectae: in quibus non tam parentium quam imperantium utilitati felicitatiue consulitur, nec cives finem propter quem coierunt, communem nempe utilitatem consequuntur.

Arist. 1. 2
c. 4. 5. & 7.

Cic. 1. 2. 27
pistola 11
ad Atticum

II. Rectarum autem rerumpubl. cum tres species simplices recenserentur soleant, totidem quoque necessario erunt aberrantium, regno opponitur tyrannis. aristocratiae oligarchia, democratiae vero respubl. regnum proprie est in quo unus propter virtutis excellentiam ad bonum commune praestit; aristocratia in qua optimi quique attamen pauci, respubl. in qua omnes. quarum iterum multae sunt species, aliae simplices, aliae ex commistione ortae.

Arist. 1. 2
p. 127

III. Carterum quemadmodum in toto hoc universo omne quod gentium corruptioni est obnoxium, nihil constans stabile ac perfectum reperitur, ita quoque nulla civilis societas tam perfecta unquam coijt, quin domesti-

cis atque ingentis vitijs laboraverit, multas passa seditio-
nes ac denique prorsus dissoluta atque collapsa fuerit, cujus
generis esse asserimus omnes tyrannides, omnes oligar-
chias, ac denique omnes respubl.

IV. Verum quemadmodum corporis infirmita-
tem, qua statim atque in lucem edimur plerumque tene-
mur, prudentia nostra vel in suo statu, quatenus rei natu-
ra fert, incolumem tueri, corrigere, vel morbo etiam
nonnunquam deterioratam ad qualemcunque valetudi-
nem reducere possumus: Sic naturales vel pronascentes
omnis civilis societatis defectus ac morbos vel omnino
tollere, vel ne majus incrementum capiant insanabilio-
resque evadant, sapientiâ nostrâ salutariumque legem
beneficio præcavere possumus. At quoniam conservatio
& salus cujuscunque reipubl. à morborum vitiorumque
accurata cognitione dependet (neque enim medicus non
præcognita prius cujuscunque morbi, quantum fieri po-
test, natura ac qualitate, vel prudenter curam suscipere vel
ex animi sententia ad finem perducere potest) tum hujus-
modi methodum accurata tractandi ratio postulat: vi-
deamus quibus ex rebus & quot numero & qualibus
respubl. mutantur, quique singularum rerumpubl. sit
interitus, & ex quibus in quas maximè mutantur. At-
que nunc quidem istos inter terminos continebit sese la-
bor noster.

Arist. 13.
Pol. c. 6. 7.
& 8.

V. Generale caput ac fontem omnium motuum in
rebuspubl. nos cum Aristotele statuimus inæqualem inter
cives onerum ac publicorum præmiorum distributionem.
ubicunque enim inæquales æqualia, æquales vero inæ-
qualia consequuntur, vel consequi se arbitrantur, non
possunt non hinc oriri querelæ statuique præsentī perni-
tiose contentiones. Verum illa æqualitas atque illud jus

pro diversitate partium civitatis aliud est atque aliud. populare est, æquale habere numero non dignitate; oligarchicum vero huic directè oppositum. *utrique*, inquit Aristoteles, *jus quoddam afferunt aliquò usque non tamen afferunt omnino. nam quadam ex parte qui sunt inæquales, ut divitiis, toto genere se inæquales esse: qui verò quadam ex parte æquales, ut libertate, toto genere se æquales esse arbitrantur.* Aristot. l. 5.
cap. 6.

VI. Sciendum tamen est, neque qui divitias, neque qui generis nobilitatem neque qui alterius denique alicujus boni præstantiam jactant, omninò pares aut impares esse dicendos, sed qui plurimùm ad salutem ac scopum civitati propositum conferunt, ac virtute civili omnibus sunt superiores. Idem l. 5.
cap. 8.

VII. Ex his itaque constat vitiosam ac minimè diuturnam fore rempubl. in cujus descriptione temperamentum utriusque æqualitatis tam geometricæ quam arithmeticæ negligitur. causa est, quod fieri nequeat, quin ex peccato in principio facto ad malum aliquem finem perveniatur. *Sicut enim rubigo ferro, inquit ille, eos si & teredines ligno congenita sunt pestes, adeo ut quamvis nihil extrinsecus illa laeserit, per ea tamen quæ cum ipsis sunt nata intereunt, sic reipubl. forma simplex & uno tantum constans genere periculosa est, & ad vitium, quod ipsam naturam comittatur, facile deflectit, ac tandem corrumpitur.* Polyb. l. 6.
c. 2.
Arist. l. 4.
c. 13. *quantò autem melius fuerit temperata, tantò quoque erit stabiliior. tolletur enim eo ipso quæ ab inæqualitate oriri consuevit omnis dissidentia atque amica inter se civitas efficietur.*

IX. Atque fons quidem omnium seditionum ac mutationum unicus hic est. nunc porro causas earum ac principia ordine persequemur. Eorum autem nos tria statuimus maximè universalia. primum sit voluntas animique affectio, quæ illi sunt præditi, qui factionibus stude-

Lib. 3.
Lib. 5. c. 4.

re turbasque in civitate dare solent alterum sit finis cuius gratia omnes operantur. tertium occasiones sive ea quæ

Lib. 6. c. 3. Polybio principia motuum dicuntur. Quid propensio-
nem animique seditiosam inclinationem producat supra
satis explicatum. oritur nempe ex falsâ juris atque in-
equilibratæ persuasione, qua tum divites tum pauperes du-
cuntur. neutra enim pars præsentem reipubl. statum amat;
eò quod non æqualiter vel omnino non honorum se fie-
Arist. l. 5. pol. c. 2. ri participem arbitrat. *nam hi quidem (pauperes puta) æ-*
qualitatem experientes seditionem movent, si plura habentibus
pares, ipsi se minus habere putent, illi (divites scilicet) inequa-
litatem & excellentiam experientes, si impares, ipsi putent, se non

Idem l. 4. pol. c. 9 & 12. *plus sed æquum vel minus habere.* Sapienter itaque mo-
net Aristoteles maximam civium partem ita erga statum
debere esse affectam, ut alium, quam quo in præsentia uti-
tatur, non exoptet. Hoc statum Venetum præter cæte-
ra conservat. omnes enim illum aut certe quam plurimi
salvum atque incolumem percipiunt; sicuti hoc pruden-
ter observavit in descriptione illius reipubl. Caspar. Con-
tarenus.

IX. Finis cuius gratia seditiones excitantur est hono-
ris nimirum studium atque insatiabile habendi cacoëthes,
hisque contraria contumelia & damnum, sive ad nos sive
ad alium familiaritate nobis conjunctum alterutrum ho-
rum pertineat; injuriam enim amico illatam nostram plæ-
rumque facere solemus. quibus fortassis & voluptas jun-
genda, nam & hæc ducit mortalium pectora. Hinc Cæsar
si violandum est jus, inquit, *regnandi gratia est violandum,*
in cæteris pietatem colit, & Plato illam civitatem optimè &
procul a seditionibus permanere judicabat, in quâ cives
ad expetendos honores ac divitias minimè sint cupidi;
contra vero, quæ aliter affectos habeat cives, cum pecunia

enim

Suet. in
Cæsare.

Lib. 4. de
reipub.

*enim cupidine, inquit Salustius, crescit cupido imperij, quæ m. A. Bello Cæs-
series sunt atque elementa omnium malorum graviumque motuum* ultra
in rebus publ.

X. Occasiones denique sive principia, quibus sese offerentibus pernicioſa conſilia ac machinationes diu interdum ante agitata prorumpunt atque in effectum deducuntur, in duplici ſunt differentia. aliæ quarum ſeptem ab Ariſtotele recensentur, non ſine inſigni commotione rempubl. invadunt, aliæ ſine ullo ferè motu. duæ priores ſunt honor & quæſtus, aliter tamen acceptæ, quam ſupra ubi fines ſtatuímus eorum qui ſeditiones movent, hic autem conſiderantur, prout his affecti ſunt ij, quos dignos aut indignos ijs æſtimamus. multiplici autem hoc conſingit ratione, vel quando indigni ampliſſimis honoribus decorantur; vel quando unus vel pauci (ut in oligarchijs & monarchijs accidit) ſummo conſtituti ſunt loco, cæteris & virtute & eruditione paribus aut nonnunquam ſuperioribus excluſis; vel ſi aliquis qui debebat honorari quemque ordo depoſcebat ſupplantatur per illos, qui jam in dignitate verſantur; vel quia hi metuunt ſibi ab illo tanquam ſuperiore virtute, eruditione, & gratia populari; vel denique quia ille ſervili adulatione non vult obnoxius eſſe ijs penes quos eſt eligendi poteſtas. Sic frequentes illæ diſſenſiones in Romana republ. inter plebeios atque patritios aliunde non oriebantur, quam quod illis nullæ partes in republ. relinquerentur, ſed hi ab omnibus muneribus eſſent excluſi. eadem cauſa Catilinam ad nefariam iſtam conjurationem impulit, quod republ., ut ipſe apud Saluſtium conqueritur, *in pauperum potentium jus atque ditionem conſeſſiſſet, cæteri cives ſtre-*
nus, boni nobiles vulgus fuerint ſine gratia ſine autoritate. Reſtius Veneti ſuæ conſulunt reipubl. ita enim inter cives
hono-

Mich. Piec
c 3 com. ad
lib 7. pol
Aſſe,

Cæſar. Con- honores distribuuntur, ut jus publicæ poteſtatis ad plu-
ar. lib. 7. res ſimul pertineat. duo enim ejusdem gentis aut etiam
deſcript. conſanguinei maximè neceſſarij in eodem magiſtratu
Reip. Ven. eſſe nequeunt. quemadmodum nec iſdem comitijs duo
 gentiles aut agnati maximè neceſſarij ſortis beneficio
 electores eſſe queunt. Cæſar quoque hinc ſumſit oc-
 caſionem Pompejum bello perſequendi, quod hunc
 perpetuis honoribus ornari, ſibi vero requitam parari
 videret.

XI. Altera occaſio eſt nimia eorum qui clavo rei-
 publ. aſſident avaritia. *Nullum vitium, inquit Cicero,*
eſt tætius avaritia, præſertim in principibus & rempubl. guber-
nantibus, habere enim quaſtui rempubl. non modo turpe eſt, ſed
ſceleratum etiam atque nefarium; contra abſtinentia & conti-
 nentia duo omnis imperij maxima ſunt fundamenta at-
 que ſuſtentacula. conſpicitur autem avaritia vel in publi-
 cis vel privatis rebus: in publicis exhauſtendo ærarium
 eamque pecuniam non publicos ſed privatos uſus luxu-
 riam nempe, commellationes, magnificasque ædium ſtru-
 cturas & quæ ſunt ejus generis alia convertendo. Hæc
 pertinent acerbiffimæ ac ſæpius iteratæ exactiones non
 ex neceſſitate rei publ. ſed pro libidine ac commodis re-
 gentium imperatæ. Rectè enim Cicero, *ut ſalva maneat*
reſpubl. operam dandam eſſe, inquebat, ne tributum ſit confe-
rendum: idque ne eveniat multo ante eſſe providendum ſin autem
quâ neceſſitas hujus muneris alicui rei publ. obvenerit, dandam
eſſe operam, ut omnes intelligant, parendum eſſe neceſſitati. Eo-
 dem reſpiciebat & Tiberius oves ſuas tondendas quidem
 affirmans non autem deglubendas. & Annibal *ex publi-*
cis malis tantum ſentimus, inquebat, quantum ad privatas
res pertinet, nec in eis quicquam acrius quàm pecunia dâ-
ſtimulas. In privatis quando privatorum bona vel vi a-
 perta,

Cic. in epi-
ſtola quad.
ad Atti-
cum.

Cic. l. 1. off.

Suet. in
Tib.

Livius, l. 10

perta, vel dolo vel alio quo vis iustitiae aut necessitatis prae-
 textu ad sese trahunt. huc etiam refero honorum mundi-
 nationes, quas signum turbulentæ reipubl. Plutarchus in vita Cat.
in praefat.
 appellat. hæc vitia quamvis serius aliquantulum, teste
 Livio & Salustio, in Romanam rempubl. immigraverint,
 nec ulla respubl. tum temporis fere sit inventa, ubi tan-
 tus ac tamdiu paupertati honos fuerit, tandem tamen
 rempubl. illam pessunderunt; adeo ut externi populi ac Salust. in
Iugurth.
 reges Romam venalem dixerint, & si emptorem invene-
 rit, mox esse speritaram. qua de re Catilina vehementer
 conqueritur apud Salustium in oratione ad conjurationis
 socios habitâ.

XII. Tertiâ causam statuimus contumeliâ, per
 quam nihil aliud intelligimus, quam superba ac libidino-
 sa imperia, parentium illusiones, pudicitiae subditorum in-
 vasiones & denique omne genus dedecoris, quo alteri no-
 cemur ac molesti sumus, non tam utilitatis nostræ quam
 voluptatis aut animi gratia. quod vitium sicuti inter pri-
 vatos homines pervulgatum est atq; ad vindictam si quic-
 quam homines stimulat, ita maximas in civili societate
 turbas concitare solet. in democratijs quidem, si plebs di-
 vites, in oligarchijs si divites plebem libidinosè ac con-
 tumellosè habeant, vel denique si ipsi inter sese unus ni-
 mirum vel pauci reliquos contumeliosè vel verbis vel fa-
 ctis trahant. Sic C. Iulius Cæsar regnum volentibus ci-
 vibus ferè stabilitum, pariter cum vita ob nullam aliam
 causam amisit, quam quod cum essent in senatu honores
 sibi immodici decreti, accedentibus ad ipsum pro rostris
 tum sedentem consulibus, prætoribus totique senatui non
 affurrexerit, sed ita se gesserit, tanquam cum privati ho-
 minibus colloqueretur. Brevis similiter fuit decemviro-
 rum potestas, propterea quod *lata principia illius magistra-*

Plutarch. A
vita.

Livius lib.
5. c. 34. 35.
36. cum
leq.

pus, ut ait Livius, *nimis luxuriaverint*. præterquam enim quod nemo jam memorem vocem libertatis aut in senatu aut in populo mittere audebat, si utrum Virginia plebei virgini ab Appio decemviro est illatum. ut ita non solum idem finis decemviris, qui regibus, sed causa etiam eadem imperij antitendi fuerit. ita C. Marius in amplissimo dignitatis gradu constitutus & septimum jam consul cum contumeliose tandem & superbe nimis in patritiorum capita sæviret, præter offensas patrum plebis etiam odium sibi conflagavit, atque ita tyrannidem recens partem amisit, aliaque tum reipubl. foma ess inducta. Similiter Alexander Medices patrum ætate propter libidinem à civibus est interfectus; ne alia nostræ tempestatis propudia commemorem.

XIII. Contumeliam excipit contemptus, causa motuum tum imperantium tum parentum respectu. Illorum quando contemptum ulciscuntur, horum quando vilescente magistratus autoritate imperij jugum excutunt atque diutius ferre recusant; duo enim quasi maxima imperij sunt munimina, amor obsequentium atque dignitas imperantis, alterutrum si absit minus erit tranquillum, neque enim potestas regum valet, nisi prius valeat autoritas, & majestas imperij vera est salutis tutela. Non quod existimem odium subditorum cuidam statui conducere, sed tantum quia non æque lethale est atque contemptus. illud enim modo contemptu non fuerit armatum, ita ut audere aliquid & sese manifestare in effectu possit, vi potest optimè suffocari: unde tyranni facilius se odio haberi patiuntur dummodo contemptum avertere atque auctoritatem incolumem tueri possint. crudelitas enim nisi modum excedat & cives ad desperationem adigat, terro-

Ple in
vita.

Amis in
doct. post.

terrore quodam abigit eos ab innovandis rebus, imprimis si latera praesidijs militum, ut sit munita semper habeant.

XIV. Oritur autem contemptus vel à forma Imperij vel moribus imperantis. Moribus: si nimirum libidini, lascivia, temulentiae, ignaviae dediti fuerint. qui enim voluptuariam vitam tradunt, ij facile despiciuntur, multasque dunt imperui faciendo opportunitates, hanc ob causam nobilis illa ac famosissima mutatio regni Assyriac, quâ ad Medos fuit translatum contigit: propterea & Wenceslao ab electoribus imperium fuit abrogatum. Formâ vero Imperij: I. si laxa & remissa nimis sit. nimia enim licentia cives sunt deteriores, evadunt ad majus malum per impunitatem; quotidieque ad majora facinora prosiliunt, audaciaque eorum nutritur, quemadmodum patris nimia comitate obsolescit auctoritatis II. contemptum pariunt magni ac diuturni honores subditis collati; talibus enim deteriores fiunt & ferre secundam fortunam non omnes possunt; longiora enim ac diuturniora imperia multos attollunt, & ad res novas impellunt. exemplo sit C. Iulius Cæsar, C. Marius, L. Sulla & Seianus Ille Taciti qui cum ad summos honores Tiberij beneficio evectus esset, postea ad mortem adactus magno Romanorum exitio & perijt & floruit.

Aristotele
1. pol. c. 4.

Aristote.
Dio. l. 57.

XV. Præterea cum magno quoque reipubl. periculo est conjunctum, aliquem in civitate ad tantam potentiam opibus & amicis instructam evehi, ut non tantum pluresque excedat, sed rei quoque reipubl. fiat formidabilis. quoniam enim constat quantum aliàs ordinum iniquitas ac prava contemperatio civitati noceat, & quam difficile sit res secundas ferre viro etiam sapienti, necdum in summo & honoris & potentiae gradu constitu-

to: cavendum, ut tales vel omnino non oriantur, vel ex-
orti intempore supprimantur. semper enim ab hujus-
modi hominibus est metuendum, ne vel totam imperij
summam ad se soli trahant, vel cum paucis eam sibi fa-
ciant communem. id quod sine memorabili reipubl. con-
cussione nunquam hactenus factum nec fieri in posterum
poterit. tales Plato fucus comparat, *sicuti enim, inquit, fu-
cus in savo ortus examinis apum morbus est, ita & hujusmodi ho-*
mo perpetua reipubl. pestis ac tandem interitus. Talis olim
fuit in Romana reipubl. C. Julius Cæsar, qui licet in prin-
cipio nullo prorsus loco fuerit, brevi tamen temporis spa-
tio gratia populari sibi comparata (immenso enim animi
vigore & clementia; imo civili pariter atque militari pru-
dentia erat præditus) tanta indies potentiz incrementa
fecit, ut non occulte jam ad mutationem reipubl. spe-
ctaret nec cuniculis amplius, ut Lutatius ajebat, sed ma-
chinis rempubl. inciperet oppugnare; neque enim per gra-
dus, amplius s, sed saltus ad maximos quosque honores eve-
hebatur, neque id ipsi erat difficilis, quippe qui & opibus &
amicorum copia egregiè fuerit munitus; sicuti dominatus
ejus initia atque progressus egregiè observavit Plutar-
chus in vita. Talis olim fuit Marius, talis fuit Cosmus Me-
dices; tales fuerunt Auriz Genuæ, tales Veronæ Scaligeri
& alij alibi.

XVI. Propter metum etiam reipubl. nonnunquam
concutiuntur. quod fit quando illi qui in rempubl. vel pri-
vatum aliquem enormiter peccarunt, injuriam vel pœnam
metuunt, illam ut antevertant, hanc ut prorsus effugi-
ant. metus adegit ex parte C. Julium Cæsarem, ut arma in
patriam, jecteret vehementer enim tum potentiam æ-
mulorum ne opprimeretur tum judicium repetundarum
metuebat, quod Cato *se privatum reipubl. malè gesta postu-*
latu-

*laturum jam dudum in concione erat minitatus, hæc simili-
liter fuit occasio conjurationis Catilinaræ; nam, ut testa-
tur Salustius, Catilina pecuniarum repetundarum reus probi-
bitus erat petere consulatum &c: item Genuæ in conjuratione* Thucyd.
1.29
*Eliscanâ, lapidem omnem movit conjurationis Verinæ æ-
ris alieni magnitudine oppressus, & sic privatis vulneribus
regendis turbandarum rerum occasionem solertissime cir-
cumspexit.*

XVII. Fiunt porro mutationes, si quædam civita-
tis pars tantum capit incrementi, ut cæteras quantita-
re & qualitate longe superet. monstrosa enim tum erit ci-
vitas. quicquid autem monstrosus est sibi met ipsi discors
atque dissimile evadit. *Plane sicut corpus constat ex mem-
bris & proportionem quadam augeri debet, ut partes & membra* Arist. 1.5.
pol. c.3.
*inter se respondeant; quod si non, interit corpus. ubi pes quidem
quatuor sit cubitorum reliquum vero corpus duorum palmorum
interdum vero etiam in alterius animantis formam mutatur; si
non tantum quantitate sed etiam qualitate ultra proportionem
augeatur. Augentur autem partes civitates vel occultè
vel fortuito. occultè: veluti populus Romanus patritijs
initio & quantitate & qualitate inferior, progressu tem-
poris, cum & numero & armis in immensum cresceret, ita
quidem ut suo sanguine potentia opesq; reipubl. multum
augerentur, nobilibus formidabilis est factus & perpetuo
de honore cum ipsis contendit. Fortuito: veluti si civi-
tas ex trecentis divitibus & quingentis pauperibus con-
stans oligarchicè administraretur, contingatque ut ducenti
divitum superstitibus pauperibus vel bello vel peste con-
sumantur, plebs hoc pacto divitibus superior statum de-
mocraticum contra oligarchicos faciliè obtinebit. Con-
trarium contingit in primis Venetiarum exordijs. cum enim
meru belli, quo tota tum temporis Italia flagiabat, po-*

populi maritimi quàm plurimi eò confluxissent, formam in principio utebantur fere populari, maximâ tamen civium parte postea peste consumita, pauci superstites summam imperij ad paucorum potentiam traxerunt, atque ex eo tempore oligarchice isthæc respubl. capit administrari.

XLIX. Atque causæ quidem tumultuum hæc fere sunt; tamen nunc etiam reliquas, quæ etiam sine motu ferè mutant videbimus. prima est *ὀλιγαρχία* sive incuria atque imprudentia circa magistratuum constitutiones. quando videlicet respubl. administratio non abjectis quidem tenuibusq; hominibus committitur, sed tamen hujusmodi, quibus primum displicet præsens respubl. status, tum civili destituuntur facultate, & denique eâ justitiâ atque virtute quæ respubl. respondeat. summus namque magistratus summam habet potestatem, quod si igitur velit, (sicuti propter inimicum erga respubl. animum omninò vult) facillè turbas dare aliamq; respubl. formam inducere potest. Quamobrem hi quoque imprudenter faciunt, qui peregrinos ad maximos quosvis honores extollunt; nam ut taceam quod omninò dispares sint moribus, ipsorum quoque parum interdum interest, respubl. diu esse salvam, adeoque ad seditiones sunt procliviores, & quantulacunque data occasione cum præsentis nonnunquam totius civitatis interitus statum immutare aggrediuntur. Deinde sicuti navis imperitum nacta gubernatorem perpetuo fluctuat, huc atque illuc pellitur, donec tandem scopulo allidatur ac submergatur, ita respubl. imperito concedita moderatori non potest non tandem collabi atque pessum ire.

XIX. Præterea *μικροί* sive exiguum non animadversum totam tandem respubl. formam valet immutare: adeo

adeo enim nullius rei initium parvum est putandum, <sup>Pult. in vi-
a Cels.</sup>
 quin assiduitate magna incrementa idque brevi temporis
 spatio facere possit; plerumque tamen illud contemptum
 eo quod nullo finitimum aut parum discrepans arbitremur, late al- <sup>Lib. 7. poli-
c. 3. & 4.</sup>
 que detrimentum, ut loquitur Aristoteles, eo quod non simul
 fiat universum. Lapsi sunt hac in re persæpè Romani tum
 alias, tum in eo maximè quod uni amplissimos honores
 quibus jam tum erat perfunctus bis terve aut etiam am-
 plius contra leges capere permiserint, existimantes tan-
 tillum statui fore innoxium. Verum quantum hæc in re
 sit situm magno malo sapius sunt experti. Quod si enim
 potentiam Cæsaris apud vulgus efflorescentem in herba
 suppressissent, nec errorem serò nimis animadvertissent,
 nunquam tantas vicissitudines ac morus respub. ab ipso
 esset passa. At Venetorum meritò commodatur pruden- <sup>Cass. Con-
tar. lib. 1.
def. Resp.
Ven.</sup>
 tia, cum enim ut notum est, respub. illa maximam par-
 tem oligarchicè administretur, certis apud eos legibus est
 cautum, ne in ijs quæ proximè statum concernunt tantil-
 lum quidem innoverur; patet hoc in magistratuum ele-
 ctione atque constitutione: ibi enim ne qua fraus confi-
 ci possit, neve quispiam degener furtim obrepar in nobi-
 litatis coetum, patritij juvenes, qui annum vigesimum
 exegere, antequam cooptantur, coguntur probare se ex
 eo parente quem profitentur, non spurios sed matrimo-
 nio, legibus & ex matre honestà esse natos; & qui sunt
 alij ritus, quos circa hanc rem & alia negotia ad statum
 pertinentia accurate observant, qua in re Trajanus Boc-
 calinus ad coelum usque eorum prudentiam extollit.
 Notandum tamen est, democratijs frequentius hanc ob
 causam mutationibus exponi; tum quod plebei rerum
 suarum non ita satagant, sed victui potius alijsque ad vi-
 tum necessarijs quærendis incumbant, tum quod ^{non minus}

Relat. 3. et
 parnas.

spernant nec illud magnarum rerum momenta afferre possent existiment.

XX. Tertia causa est dissimilitudo ac discrimen animorum, nationis, generis, loci, & quicquid denique naturalem inter homines affectum atque amicitiam tollere solet. id quod ex natura amicitiae est perspicuum, quoniam enim vera ac firma amicitia non nisi inter similes vel natione vel moribus, vel genere, vel quacunque alia re contrahi potest, sed contracta querelis atque dissidijs laborat. donec tandem dies ac consuetudo diffidentiam tollat animique caleant: sic civilis societas ex hominibus dispari genere, dispari lingua, dispari natione, imò alijs alio more viventibus constata, priusquam conspiret (ad quod tamen multum temporis requiritur) perpetuò dissidere atque in diversas partes ire solet. contingit autem hoc non tantum in constituendâ quadam civili societate, sed peregrinos propter incolarum paucitatem, prioribus bello, peste, aut alio quovis casu absumptis, adsciscendo; maximè si veris civibus in participandis immunitatibus privilegijs atque honoribus exaequantur. apparet hoc etiam in externis gentibus bello sub imperium redactis, quàm rigidâ plerumque cervice jugum subeant, tum quod alterius imperio ac nomine fuerint assuetæ, tum quod nec sacris nec moribus nobiscum cohaereant. Præterea civitates quoque vel flumine, vel muro invicem distinctas, imò ex parte montosas, ex parte planas dissidijs laborare videmus, sicut Parisijs Sequanae divortium animorum quoque divortium causatur. & Fesæ Africæ urbs flumine divisa circiter centum & octuaginta annis perpetuis dissidijs ac intestinis bellis laboravit, donec Iosephus rex ponte exstructo in unum redegit, concordiamque tandem reduxit, teste I. Leone Africano.

cano. Maxima tamen inæqualitas omnique civili societati summe pernitiola oritur tum à probitate & improbitate, tum opulentia nimia & infima civium paupertate. qui enim illa civitas sibi amica esse possit in qua scelerati bonos numero longè superant? cò quod inter tales amicitia iniri omnino nequeat, & bonis cum improbis nunquam verè conveniat. denique quoniam nihil requè valet ad moderandas stabiliendasque respubl. & ad religandos hominum animos, quam religio, eaque una unà in civitate, facile patet quam periculosum sit cuicunque statui religionis dissidium: tranquilla certè aut diu salva esse non poterit.

XXI. Perspicuum igitur est occasiones atque initia Arist. 1. p.
pol. c. 4. motuum plarumque per esse exigua atque levicula, licet semper vergant in reipubl. exitium atque interitum. citius autem atque celerius parva illa initia non invalescunt, quam si inter principes primariosque civitatis similitates ac contentiones existant. quoniam enim ambitione & regnandi cupiditate plarumque ducuntur, quacunque data occasione res novas moliantur. qui enim divitijs præpollent præferunt semetipsos omnibus, omnia sibi venalia esse, sibi que vires atque facultatem imperandi adesse arbitrantur. Sic qui prudentia civili pariter ac militari, magna item copia amicorum sunt instructi, quoniam vident se tenere ea quorum auxiliores præstare ac magnæ sunt, eas ipsas res gerere appetunt; & cum sint studiosiores, nunquam non de rebus vel ad opes vel potentiam augendam stabiliendamque pertinentibus cogitare solent. *In univèrsam autem principum motus totam quoque secum trahunt civitatem,* nec minus periculi ab ijs reipubl. Arist. 1. p.
pol. c. 4. imminet, quam navi, nautis de clavo inter sese decertantibus. evertit sane hæc causa rempubl. Romanam.

quandiu enim partes civitatis proportionē sibi invicem respondebant, quandiu nullum erat imperij divitiarumque inter proceres certamen, tandiu quoque res Romana stetit atque floruit; statim autem atque se quisque magis ac magis attolleret, mutuū honorum atque imperij certamen inciperet, omnia misceri ac pessum ut ceperunt. quod contigit tempore Sullæ ac Marij, tempore C. Julij Cæsaris ac Pompeij tempore Augusti, Lepidi, Antonij & Ciceronis. quā de re consulatur Plutarchus Suetonius, Dio Cassius & alij.

XXII. Denique sicuti cujuscunque hominis damnum ac malum situm est in mala educatione, ita etiam maximum dispendium est reip. si cives non secundum eam normam ac leges ejus reipubl. in qua nascuntur, educantur.

XXIII. Expositis communibus causis conversionum rerū republ. unamquamque seorsim & ex quibus in quas maximē mutetur considerabimus. Democratia quidem vel in oligarchicum vel tyrannicum vel denique in alium ejusdem generis statum commutatur. in tyrannicum eādē fermē ratione, quā paucorum potentia in popularem. quemadmodum enim illam inexplēbilis divitiarum fletis, voluptates, populi contemptus evertit, ita status popularis propter inexplēbilem libertatis cupiditatem (quod bonum hoc in statu præclarissimum censetur) in gravissimam ac maximē agrestem servitutem tandem delabitur. Præsertim si ejusmodi civitas libertatem faciens malos pincernas, ut ait Plato, nascatur & ex profusius quam decet sese ingurgitans debachetur, principes velut rigidiores & pauperum dominatum appetentes accusari puniri; atque hi possideant populō bonorum adæquationem esse instituendam, atque inter pauperes distribuenda. his & alijs

Plato l. 8.
de rep.
Aristot. d. 5
apol. c. 5.

Plato l. 8
de rep.

injurijs divites laceſſiti rerum novandarum occaſionem
aripiunt, inſidiantur populo, & ad paucorum domina-
tum animum intendunt, quibus ſeſe opponens plebs u-
num aliquem ſui deſenſorem creat qui re feliciter contra
principes civitatis geſtâ tyrannidem volente nonnun-
quam populo invadit.

XXIV. Sciendum tamen eſt olim ejuſmodi demo-Ariſt. l. 2.
cratiæ mutationes frequentius contigiffe, cum nimirum
idem adhuc eſſet imperator & dæmagogus, adeoque idem
lingua pariter valeret & arte militari. noſtro vero tem-
pore quoniam dæmagogi juxta eloquentiam rei bellicæ
imperiti ejuſmodi quid rarò tentare ſolent. reſpondent
autem veterum dæmagogis interdum ſacerdotes noſtri,
qui licet tyrannidem non affectent, proprii tamen com-
modi cauſa concitando plebem adverſus ſenatum & re-
liquas principes civitatis partes, peſſimam democratiæ
ſpeciem, ubi decreta tantum non verò lex imperat, in-
troducere ſolent. democratia enim eſt reſpubl. liberta-
tis plena; facile autem populus licentiæ cupidus ſibi per-
ſuaderi ſinit, ut omnia ſe ſolvat legum vinculo ac pro li-
bidine arbitratuque ſuo omnia agat, principes plebeis,
plebeios principibus, peregrinum denique verò civi ex-
æquet.

XXV. Caterum quamvis Plato l. 8. de republ. exi-
ſtimet democratiam nullam aliam præter tyrannicam pa-
ti mutationem, rectius tamen videtur ſentire Ariſtote-Ariſtot.
ibidem.
les, qui tam & in oligarchiam & aliam ejuſdem ſpeciei
formam degenerare demonſtrat. in paucorum autem
ſtatum ſimiliter delabitur malitia dæmagogorum; hi e-
nim & privatim & publicè plebem contra divites inci-
tant, plebique quaſtus cauſa in aures inſuſurrant, illos
divitias ingeſtes poſſidere omnia per fas atque nefas ad
ſera-

se rapere, maximam autem civium partem extremam parti paupertatem, proinde bona ipsorum esse publicanda, potentiam in tempore esse minuendam. tantis damagogorum calumnijs nobiles concitati, ut & vitæ & bonis suis consulant, velint nolint turbas dare atque paucorum potentia studiosi esse coguntur: existimantes melius esse prævenire quam præveniri. ejusmodi damagogus olim erat C. Marius, qui non tantum privatim plebem contra patritios instigabat, sed publicè etiam eos pro concione convitijs proscindebat, quemadmodum ex illa oratione quæ apud Salustium extat apparet, quæ causa post Sulam concitavit reipubl. statum immutandi.

Aristot.
ibid.

XXVI. Circa majores magistratus in democratijs magnum ad mutationem momentum affert, si illi bis terve aut etiam amplius uni committantur: perit enim eò æqualitas illa, qua maximè jus democraticum nititur: omnes enim vicissim parere & imperare hic debent. quod si enim contrarium observetur tum plures ad magistratus poterunt pervenire, neque quisquam tempore imperij abuti & tyrannidem affectare poterit. Aliter de minoribus magistratibus est comparatum, hi enim sive ullo reipubl. detrimento uni sæpius possunt prorogari, sicut etiam interdum prætura bellica, propter paucitatem eorum, qui hac præditi sunt facultate.

Arist lib 6.
pol. 5. 2.

XXVII. Perniciosum quoque est statui populari multas à damnatis numeratas inter plebem ex pessimo damagogorum consilio dispartiri, utilius si vel in fiscum vel potius sacros usus convertuntur. alioquin plebs sine lucri occasionem insontes æquè ac fontes deferendi potentiorumque bona diripiendi arripet, unde amicitia ac benevolentia patritiorum erga plebecios magnum democraticæ sustentaculum collabitur. quin potius poena istis dela-

delatoribus est constituenda, tum quod damagogi non plebeios sed patritios accusare soleant, tum quod omnes cives optimè sibi invicem cupere oporteat, sin minus saltem principes non videri inimicos. Frequentia etiam judicia ac conciones pessimæ democratiæ parum conducunt: quippe quæ multitudinæ tenuiorum vehementer laboret, qui nisi sportula constituta convenire frequenter adeo nolunt, ex redditibus autem & vestigalibus quoniam desumi nequit, divites sine insigni molestia tantum pecuniæ vix erogabunt; ut ita satius sit celebritatem concionum contrahere, vel si id fieri nequeat, in longum non protrahere, graviter denique peccant damagogi, quod dum populo student gratificari ex arario egestatem suppleant, quasi illud è re primum sit reipubl. tum quasi tantæ multitudini ad incitas ferè redactæ sufficere illud possit; præcavendum potius ne in tantam populus paupertatem incidat. quo pacto id fieri posset, docet Aristot. *L. 8. pol. c. 5.*

XXIIX. Perniciosum denique est democratijs quamplurimos inutiles sumtus à divitibus fieri, quales sunt convivia præbere populo, magnificas extruere aedes, spectacula præbere & ejus generis alia, quæ plus ad ostentationem quam utilitatem reipubl. faciunt. nam ut taceam, quam facilè hac occasione luxuria civitatem invadere possit, certum est alios ob nimias hujusmodi largitiones omnia sua abligurire patrimonia, alios tantum æris alieni contrahere, ut invitè nonnunquam in perniciem reipubl. conspirent; quod autem præcipuum est, populum hac ratione in suas trahunt partes, atque sic haud exigua oligarchici imperij ponunt fundamenta. Ex quibus igitur democratiæ & in quas mutantur ex ijs quæ di-

ximus ferè est perspicuum. nunc porro oligarchiarum vitia ac mutationes considerabimus.

Aristot. 1.
p. pol. c. 9.

XXIX. Quaecunque autem in oligarchijs contingunt mutationes vel prorsus eas subvertunt vel magis aut minus tales efficiunt. prius accidit, quando plebs ab omnibus exclusa honoribus à divitibus contemtui insuper habetur, bonis vel vi vel dolo spoliatur, nullo non injuriarum generi est exposita. tum enim nullas non vindicandi sese caprat occasiones, & quam primum idoneum vel è suo vel divitum vel etiam oligarchicorum imperantium numero ducem nanciscitur, contra divites insurgit, totumque statum nonnunquam evertit. id quod rempubl. Romanam sæpius concussit. cum enim patritij omnem imperij majestatem paulatim ad sese traherent, ignominiose & contumeliose populum tractarent, nihilque præter inopiam atque ignominiam relinquerent, perpetua ille erga patritios flagrabat invidiâ, statimque ac ducem nancisceretur ad seditiones erat promptus. tales sese ex populari ordine C. Marius, C. Memmius, ex patritiorum vero C. Julius Cæsar præbuerunt. illi enim concionibus populum, ut ex Salustio apparet, ad vindictam hortabantur, monebant ne rempubl. ne libertatem suam desererent, multaque superba ac crudelia facinora nobilitatis ostendebant. hic vero partes Marianas fovendo non tantum plebis benevolentiam consequeretur, sed nobilitatem plebeio ordinì summè exosam efficiebat, donec ipse dominatum atque imperium in se solum transferret.

XXX. Plures quoque divites aut nobiles ab omnibus exclusi honoribus magnorum in republ. motuum quaecunque data occasione auctores esse solent, præsertim si ijs quibus tantum magistratus capere licet vel genere vel divitijs

vicijis pares sint aut nonnunquam superiores. iniuriæ
namque tum sibi fieri existimant, quam magno cum rei-
publ. incommodo plarumque persequuntur. ut ita minus
stabiles illæ sint oligarchiæ, in quibus publicâ ad ministrâ-
tio ad paucas certasque familias contrahitur, nisi alia sint
quæ remp. in lapsum pronam sustentent, quemadmodum
Noribergæ & Lunæburgi in Germaniæ oligarchiis & Ve-
netijs in Italia observatur. quanquam in eo Venetorum
prudentia meritò laudanda, quod non omninò populum
omnibus honoribus excludant, sed facta illorum etiam
civium distinctione, eos qui sunt medijs ordinis multo-
rum reipubl. numerum participes faciant.

XXXI. Quemadmodum autem sibi consentiens
olicharchia firma est nec faciliè concuti potest, ita sibi-
metipsi discors faciliè solvitur. in causa est perpetuum ac
vetus plebis erga oligarchicum statum odium, tamdiu
latens quamdiu viribus plebs est inferior mutuaque inter
principes amicitia intercedit, quâ sublata statim prorumpit,
idoneamque invadendi statum occasionem oblatam
esse existimat, duceque rebus suis favente constituto, vi-
res oligarchicorum propter dissensiones infirmas faciliè
frangit aliamque civitati formam inducit. valet enim
hic quod recte Plato collegit, omnem gubernationis sta-
tum mutari quanquam firmissimus antea fuerit si dissidijs
laboret, munitum contra quamvis sit exigua gubernatio,
si concors tantum sit. hoc statum Venetum conservat.
concordia nempe nobilium ac democratica illa inter sese
æqualitas.

XXXII. Corruptum porro oligarchiam luxus,
commestationes, mollis ac delicata oligarchicorum vi-
ta, denique ingentes aris alieni contradictiones. perdit
enim hoc modo luxu, varijs assueti voluptatibus, op-
pressi

pressi ære alieno, paupertatis impatientes, non possunt non ad novas res moliendas animum appellere, ut vel ipsi imperium invadant, vel quoscunque ad imperij cupiditatem instigent. hujus rei illustre nobis exemplum præbet conjuratio Catilinaria, de qua Cicero, *nemo non videt, inquit, sed nec in ullo totius Italiae angulo oppressus ære alieno fuit, quem non Catilina ad hoc incredibile sceleris sedulus assuevit, patrimonium illi sua dudum profuderant, forennas abligurerant, res eos, jam pridem fides deseruit.* ipse Catilina apud Salustium conqueritur, sibi domi esse inopiam, foris *as alienum, malam rem, spem multo asseriorem, & denique, sibi nihil præter miseram vitam superesse.* ita Cæsar perpetuis commestationibus, magnificis epulis populo præbendis, spectaculis estubendis, & denique muneribus dandis ad tantam paupertatem fuit reductus, ut non potuerit non animum novis rebus intendere ac tandem in republ. arma vertere. Hoc est quod apud Trajanum Boccalinum Ioviano Pontano (illum enim iducit loquentem) tantam movet admirationem, nempe quod licet in ea republ. nonnulli regias opes habeant, procul tamen absint a superbia atque ostentatione, imò infimæ conditionis hominibus se se exequunt, adeoque in ea omnes fastus omnis ambitio & denique omnis luxuria maximæ rei publ. pestes exulent.

XXXIII. Dissolvitur quoque status quando non omnes, qui rei publ. interfunt negotijs omnium in republ. munerum aut certè maximorum ne per totam quidem vitam semel participes fieri possunt, tum enim inferiores cupiditate imperij affecti turbant republ., *namque ut Tacitus ait, habere imperium quam expectare.* Hoc olim in Elide Græciæ civitate contigisse Aristoteles narrat *republ.* enim inquit, *penes paucos fines constituta omnino pauci reddebantur eo quod essent perpetui & quidem non in-*

14, accedente insuper electione *δυασιων*, etiam hac in parte prudenter se gubernant Veneti, ut ex Trajano Boccalino constat. Relat. 3. en
Parnassos

XXXIV. Præterea & belli & pacis tempore oligarchiæ seditionibus atque domesticis motibus laborare solent. belli quidem : quando cives contra hostes mittuntur, ipsisque unus ex plebeio vel patritio ordine præficitur, ab utroque si ex sententia expeditio conficiatur, rei publicæ periculum incumbit : tum quod imperio sint assueti, tum quod benè de republ. sint promeriti, adeoque magnis honoribus dignos sese existiment. neque inter est unusne an plures huic muneri præficiantur, hoc ipso enim periculi magnitudo non imminuitur, ille enim tyrannidem hi *δυασιων* invadere possunt. quamobrem Veneti bellum quoad ejus fieri licet, quam maxime solent declinare, urgente tamen necessitate malunt externo atque conductitio milite duceque uti, quam populo aut ipsis etiam nobilibus. imminui tamen periculum quod à bellicis hujusmodi ducibus ac milite impendet hac ratione potest, si imperia certo temporis spatio includantur. minus hac in re suo prospexerunt statui sapissime Romani, cum alias tum imprimis, quod C. Julio Cæsari non tantum administrationem bellici Gallici demandarint, sed toties ipsi imperium prorogaverint. Similiter ipsa plebs omnibus initio muneribus publicis exclusa, cum perpetuò postea bellis esset implicata, multorum populorum victor extitisset, eosque Romano imperio subjecisset, angustis istis patritiorum imperijs sese includi diutius noluit, sed ex eo tempore de libertate sua cogitare cepit. Pacis autem tempore concutitur oligarchia, quando ipsi oligarchici imperantes suo metuunt statui, ne vel in tyrannidem vel *δυασιων* delabatur, adeoque suæ diffi-

centes potentia ducem quasi mediatorem constituunt, qui ab utraque parte turbas praeavere, & si quando opus fuerit reprimere debeat. tum enim sapius accidit, ut ipse mediator tyrannidem cui praeavendae erat constitutus invadat.

XXXV. Mutari quoque recte dicitur oligarchia quatenus vel laxatur vel constringitur, numerusque imperantium ad majorem vel minorem reducitur paucitatem. quae conversio ex duplici potissimum demagogiae specie oritur. alia inter ipsos reipubl. principes unus namque paucis se adjungens reliquos oligarchicos calumniatur, unde odia ipsorum & perniciosae de imperio contentiones indies ingravescunt, donec pars praevalens oligarchiam paulatim arctius stringere atque in paucorum manus contrahere aggrediatur. sic Athenis Charicles intertrinxit ita tyrannos demagogum se gerens magnam potentiam est consecutus. alia demagogiae species in eo consistit, quando nempe unus imperantium adversus ceteros quacunq; adulandi ratione, vel magnis sumtibus faciendis vel pecunijs dividendis favorem populi sibi studet conciliare, hoc fine ut viam sibi muniat ad maximos quosque honores obtinendos. quod sophisma tum tamen praecipue locum habet, quando magistratum eligendorum ac judiciorum exercendorum jus non tam in oligarchicorum imperantium quam populi manu atque arbitrio est constitutum. quantas turbas ejusmodi praesensiones in republica excitent exemplo nobis sit reipubl. Romana. quoniam enim populi beneficio ex parte honores obtinerentur, candidati ambibant, praesabant ac rogabant populum & quo quis pluribus suffragijs erat instructus, omnibus competitoribus praeferebatur. ad populi autem favorem consequendum, danda
erant

erant congiaria, prandia præbenda, gladiatores exhibendi, pecunia dividenda: propterea inter patritios oriebantur dissidia, & quamplurimi patrimonia consumeabant.

XXXVI. Evertunt etiam statum superba nimis atque herilia oligarchicorum imperia. quoniam enim omnis civitas est consociatio ac societas non servorum, sed ingenuorum liberorumque hominum, serviliter quoque huic ut imperetur injustum est, quia naturæ societas ratione utentium repugnat. *quin animus humanus inquit Cicero, sublime quidam & generosum naturâ insitum habet, ut nemini parere velit nisi utiliter imperanti, neque quicquam est valentius ad continendam humanam societatem quàm beneficiorum vicissitudo.* Tale in republ. Rom. fuit Decem virorum & Caji Iulij Cæsaris imperium.

XXXVII. Præterea quoniam supra demonstravimus illas res republ. minus esse diuturnas, in quibus subditorum nulla prorsus habeatur ratio, sed imperantium injurijs ac libidini tantum sint expositi, manifestum quoque est ejusmodi oligarchiam brevi interituram in qua plebs à nobilibus quacunque injuria impune afficiatur, si quæ verò nobilibus à plebe injuriæ inferantur, severissima illæ pænâ puniantur. hac in re Trajanus Boccalinus Venetorum extollit prudentiam. nobilis enim cujuscunque generis. autoritatis ac dignitatis tandem sit, quando cum plebei ordinis homine litigat, majorem habet adversarium quàm si cum sui ordinis homine.

XXXIIX. Hinc patet oligarchias omninò à medio aberrantes infirmas esse ac minimè diuturnas, quales sunt in quibus nulla mediolorum habetur ratio, & populus ab omnibus etiam vilissimis officijs est exclusus; pacatiores verò illæ, in quibus præter majores res publ. ma-

gistratus (hos enim ijs qui reip. sunt participes vel solis vel plerisque mandare oportet) officia honorat ora plebeis etiam demandantur. qua in re Venetorum conspicitur prudentia qui quo populum deliniant, sicut etiam supra dictum, ne ab omnibus sese honoribus exclusum ægrè ille ferat, ad honores satis præclaros præstantiores ex ijs evēhant, hoc si Romani observassent, pacatior interdum reipubl. fuisset.

XXXIX Denique sicut singulorum hominum omniumque civitatum damnum ac maxima perniciēs à prima malorum conformatione dependet, ita imprimis maximum oligarchiæ periculum ab luxuriosa impendit educatione patritiorum. ita enim petulantia, libido atque divitiarum studium prima malorum elementa civibus instillantur. in quocunque autem hominum cætu opulentiæ ac divitiarum nimius honor, huic pessimi mores aderunt. ibi enim contumelia, ibi injuria proximæ moriū causæ locum habent. Et hætenus de causis per se mutationum earumque in oligarchijs obveniunt.

XL. Cæterum & ex eventu quoque nonnunquam oligarchiæ hac ratione commutantur. sit ex. gr. in parva quadam civitate lex posita, ut nemo nisi qui duo millia aureorum in ære habeat ad reip. gubernacula admittatur, civitas autem illa progressu temporis & potentia & opibus tantum crescat, ut omnes ferè tantum æris possideant adeoque nemo à republ. excludatur, totus tandem status prius oligarchicus in democraticum abibit. Quod similiter & belli & pacis tempore accidere potest, maxima nimirum nobilium parte bello consumpta, aut gravi pestilentia enecata: tum enim plebs & quantitate & qualitate superior democratiam introducet.

XLI. Cæterum quales mutationes in mixtis rebuspubl.

publ. contingant porro erit explicandum. Et primò quod attinet aristocratiam non quidem proprie sic dictam, sed mixtam ex democratia & oligarchia, ne illa quidem sicuti est imperfecta internis caret vitijs, sed nunc in democratiam, nunc in oligarchiam, nunc in tyrannidem convertitur. In universum ad quamcunque reipubl. formam mixtæ inclinant eo plerumque transferuntur. sic politia in democratiam, aristocratia in oligarchiam transit, vel etiam nonnunquam in contraria, ut aristocratia in democratiam propter injuriam tenuioribus illatam; politia vero in oligarchiam.

XI.II. Sed quoniam oligarchia aristocratia peraffinis est (*siquidem in utraque pauci sunt qui præsumunt*, ut ait Aristoteles, *versus non eadem ratione pauci*) eadem ferme seditionum causæ in ea occurrere solent. sicuti enim illa ex falsa inæqualitatis persuasione & ob paucitatem eorum, quibus ad honores patet aditus, concutitur; ita & hæc summa rerum ad paucorum nimis divitum nempe atque nobilium manus contracta. præsertim si maxima pars plebis aut certè viri generosi ac virtute excellentes maneant inhonorati, imò si despiciantur insuper & superba nimis atque ignominiosa imperia perferre cogantur. Sic resp. Romana minus in principio temporata hac parte postea semper laboravit, maximè tum cum plebs numero patritijs esset superior ipsique nihilominus invita plebe summam imperij ad sese traherent exclusis nonnunquam sui ordinis hominibus. conqueritur hæc de re Catilina apud Salustium, & C. Marius in oratione pro concione ad populum habita. Nam cum tempore Ciceronis & paulo ante respubl. lege esset aristocratica, oligarchicè vero révera nolente populo administraretur; pa-

tritijs omnem ad sese majestatem trahentibus, non potuit non miserè lacerari ac tandem interire.

XLIII. Præterea quoniam omnis inæqualitas, ut supra dictum, amicitia est inimica, eaque maxima inter homines dissidia excitat, perspicuum est nimiam bonorum inæqualitatem aristocratijs parum conducere, præterquam enim quod hac ratione ij, qui affluunt divitijs, seditiosa agitent consilia, plebs bonorum adæquationem agrorumque divisionem acriter urgere solet, id quod raro fit sine ruina ac reipubl. eversione. Sic C. Grachus primus quietem Romanæ reipubl. non immeritò turbasse creditur, quod primum agrorum dividendorum mentionem apud populum fecerit, quem deinde infecuti sunt alij, magno tamen semper cum reipubl. detrimento. Catilina apud Salustium *omnis gratia, inquit, potentia, honos, divitiæ apud illos sunt* (paucos intellige) *aut ubi illi volunt, nobis reliquerunt pericula, repulsas, judicia & egestatem.*

XLIV. Tertia causa mutationis Aristocratiarum oritur ab unius nimio honoris atque potentia studio; qui licet magno jam tum in dignitatis gradu sit constitutus, non quiescat, sed indies majorem semper affectet. sic Cæsar amplissimis semper perfunctus honoribus prius non acquievit, donec totam imperij summam ad sese paulatim traxisset, ac dominatum stabiliisset.

XLV. Denique occultas quasdam atque irrepentes aristocratia & politia patiuntur mutationes à minus accurata exigui observatione; cujus neglectio, quantum progressu temporis cuique statui detrimentum afferat, supra est explicatum. exemplo nobis sit respubl. Romana, cum enim in ea maximi honores initio non essent perpetui, nec quisquam eos, lege enim cautum erat, bis ter

ve pe-

ve petere posset, quam primum paulatim inde fuit disces-
sum, imperiorumque prorogationes unus itemque alter
impetraret, magnum tandem hinc reipubl. malum est ena-
tum, illis, quos honorum diuturnitas & opibus & poten-
tia cæteris superiores effecerat, eam invadentibus.

XLVI. In summa tam aristocratix quam politix ex
prava utroque extremorum contemperatione nimi-
aque à medio aberratione corrumpuntur: in politia qui-
dem, si divitiæ & paupertas, in aristocratia, si paupertas,
divitiæ, virtus, legitima careant temperatura, atque sic u-
num extremorum in utraque semper prædominetur. Sta-
biliiores sunt, in quibus *utrumque & neutrum*, ut ait Aristo-
teles, *inesse videtur*, atque ubi eandem rempubl. dicere li-
cet & democratiam & oligarchiam. Qua in re Lycurgi in
descriptione reipubl. Lacedem. singularis conspicitur
prudencia eò quod tam bene fuerit mixta, ut de utrisque
institutis æqualiter visa sit participare. Talis etiam fermè
fuit respubl. Carthaginiensium.

Arist. 1. 4.
c. 9.

XLVII. Reliquum nunc est ut mutationes monar-
chiarum regni atque tyrannidis videamus. Quemadmo-
dum autem utraque ex contrarijs originem ducit, ita quo-
que à contrarijs causis corrumpitur, sicut hoc Aristote-
les docet *lib. 6. pol. cap. 10.* Et quoniam regnum aristocratix
peraffine est (ob virtutem enim generis nobilitatem &
beneficiorum in rempubl. collatorum magnitudinem
desertur) tyrannis vero ex pessima oligarchix & demo-
cratix specie constet, propterea eadem ferè erunt princi-
pia mutationum regni & tyrannidis.

Aristot. 1.
3. pol. c. 10.
& 13.

XI LIX. Omnes autem mutationes vel ab injuria
proficiuntur, vel metu, vel contemptu, vel denique qua-
cunque re imperantes parentium odium atque invidiam
sibi constant. quoniam item, ut supra dictum, omnes vel
pro-

propter honoris vel lucri cupiditatem vel denique voluntatem rebus novis student, duplici quoque ratione status monarchicus interibit, conjuratione a subditis facta vel in regis caput, vel ipsius principatum. Illud C. Julio Cæsari, hoc Târquinio superbo & alijs contigit.

XLIX. Injuriarum duas constituimus species; contumeliam & injustam bonorum direptionem; ad illam pertinent libidinosâ imperia, quibus nobismetipsis vel sanguine nobiscum cohærentibus illuditur, injustâ civium cædes ac verbera circa omnem culpam, libidinis tantum ac petulantia gratia sæpius iterata. contumelia enim iram concitat, hanc veluti individuus comes vindictæ cupido comitatur: quæ nullis nocendi opportunitatibus indormire solet. Existimant autem homines tunc maximè læsam sibi esse famam à tyrannis cum vel mulierum violatur pudicia, vel ipsi aliquo vituperio afficiuntur & contemnantur. hæc fuit occasio Romanis everteudæ regis potestatis, eadem causa atque idem finis Cæsaris tyrannici fuit imperij. interfectus etiam est Philippus eo quod atrocem contumeliam ab Attalo aulicorum uno Pausania illatam vindicare noluerit. Carolus item Borbonius alapa à Francisco I. percussus magnorum motuum fuit occasio. similiter atate nostra conjuravit Julius Bellantius adversus Pandolphum Senensem tyrannum socerum suum ob nullam aliam causam quam quod filia illum spoliasset, quam prius illi in matrimonium dederat.

I. Præterea nimius metus odiumque subditorum immoderatum cuicunque dominatui est exitiosum. Nulla enim vis, inquit Cicero, *tanta est, quæ præmentis odio ac metu passim esse diuturna, malus enim custos diuturnitatis est metus.* Quapropter meritò Largius Dictator opti-

ptimum & firmissimum imperium esse dixit, quod subditos beneficijs magis quàm supplicijs in officio contineat, illi enim benevolentiam, huic metum esse comitem, quicquid autem timeatur, id necessitate naturali exosum esse omnibus: nullares Galbam Cæsarem vita & imperio spoliavit, quàm metus à savitia natus quam principio gubernationis indicta causa exercebat in optimates & viros consulares. ita Alexander Magnus quamdiu juxta reverentiam amorem suorum retinebat tamdiu ipsi omnia ex voto fluebant, amore autem ob nimiam in suos savitiam in odium, reverentia vero in timorem conversa vitæ atque imperio insidix struebantur.

LI. Odio peraffinis est contemptus malum longè gravius, ut supra demonstratum, lethaliusque oritur autem, ut similiter dictum, cum à forma imperij tum moribus imperantis. vilescente autem hac ratione regum autoritate præ cæteris ij quos in delictijs habent, quique amplissimo dignitatis gradu apud ipsos funguntur non unam ob causam sunt metuendi; tum quod propter amicitiam quâ regi sunt conjuncti impune ac citra ullam suspicionem rebus novis studere possint, tum quod facultate qua conatus in effectum deducuntur, non desistantur.

LII. Alij contemptu pariter atque lucro moti tyrannos invadant. præsertim si præter fortitudinem potentie junctam magnum in militia locum apud monarchas obtineant. alij nuda gloriæ consequendæ cupiditate, quam in eo sitam existimant, si tyrannos è medio tollant & cives in libertatem vindicent, loquitur autem hic Aristoteles ex opinione quâ tum temporis de tyrannis jure interficiendis plerique ducebantur, existimantes eorum imperium quia esset contra naturam propterea minimè tolerandum; imò eorum interfectores maxi-

Arist. l. 6.
cap. 11.

mis honoribus nobilitandos; quomodo Aristogiton & Harmodio statuz Athenis propter occisos tyrannos sunt positæ. talis olim etiam fuit Brutus & Cassius Ciceronis interfectores. Et hætenus de communibus mutationum causis regij & tyrannici status.

LIII. Notandum tamen est maximè principales causas tyrannicum statum evertentes esse odium & contemtum, licet propter hunc, ut supra dictum, plures tyrannides interierint. Odium enim tyranni nunquam possunt evitare, quippe qui nolentibus civibus imperent, omniaque ex libidine sui tamen commodi causa agant, parum de communi civium salute solliciti. tamdiu autem magnam istam subditorum invidiam possunt sustinere quam diu ipsorum autoritas ac reverentia salva fuerit.

LIV. Cæterum duas omnis tyrannidis differentias constituimus. una quæ crudelitate ac sævitia nititur altera quæ ficta quadam ac simulata benevolentia. illa est injusta atque ex omni civili societate exterminanda hæc majorem præ se fert justitiæ speciem, quippe quæ volentibus magis fiat civibus atque in publicum ex parte bonum directæ. Prioris speciei corruptionis causas prius videbimus.

LV. Et primò quidem minus est diuturna quæ viros generosos, fortes imò virtute excellentes quam plurimos alit. utilius si caveatur ne omnino existant, vel exorti in tempore civitate Pellantur, vel morte quod tutius mulcentur. peccavit hac in parte Tarquinius superbus, quod si enim Brutum & alios potentia atque virtute florentes, quorum tum temporis Roma abundabat, interemisset diuturniore fortassis usus fuisset imperio. nocet ipsi similiter multum civium amor atque amicitia, omnis enim notitia parit fidem; hæc animorum

con-

conspirationem consiliorumq; communicationem, quia tyrannico statui nihil perniciosius, efficiunt vero fidem crebra conventicula, collegia, sodalitates & quicquid denique ad copulandos religandosque hominum animos aliquid momenti affert. pertinet etiam huc cultura ingeniorum & omnis ad virtutem atque eruditionem institutio. utumque enim generat libertatis recuperandæ atque amicitia incundæ cupiditatem. quid quod semper hi indignos sese herili imperio æstimantes seditiosa agitent consilia? Ejusmodi conventicula statuum imperij Germanici interdixit olim Fridericus I. postea Carolus V. item in Gallijs Franciscus I.

LVI. Præterea propter otium subditorum nonnullæ tyrannides eventuntur. in causa est quod illud quieti sit per inimicum hominesque ad novas res plerumque impellere soleat. quapropter opera danda est tyranno ut semper subditi quod agant habeant, quo fiet ut princeps eos semper quasi in conspectu habeat, & clandestinæ atque occultæ impediuntur conspirationes, imo ad servitutem evadant promtiores. Secundo minus sibi consulit si nullos delatores vel otacustas (ut Siculo utar vocabulo) habeat, qui civium sese immisceant congregationibus, sermonesque atque occulta eorum consilia aucupentur, hoc enim efficeret, ut consilia rarius communicentur vel certè majori cum cautione. tales olim otacustas habuit Hiero. Syracularum tyrannus.

LVII. Divitiæ porro subditorum frangunt tyrannorum vires; tum quod maximo semper præsidio ac corporis custodiam opus habeant, tum quod perpetua libertatis recuperandæ consilia ab ipsis agitentur adeoque in magno metu atque periculo versentur. Ergo tyrannicum est inopia conibere cives si quidem otio atque di-

Virijs luxuriantes ad res novas & fidem exuendam pro-
cliviores fuerint. Sic paci minimè est studiosus tyran-
nus, partim ut subditi bellis implicati de rebus novis non
cogitent, partim ut ducem sese, quo alioquin destituun-
tur, constituent, ipseque hoc pacto benevolentiam ci-
vium, dum vitæ periculum pro illorum salute subire vi-
detur, consequatur. Porro nihil perniciosius est tyran-
no multorum familiaritate; causa est, quod dum amicis
plurimum fidei ipsis facultatem (voluntate enim nun-
quam destituuntur) sese occidendi præbeat. sic Alexan-
der Phætorum tyrannus ab uxore est sublatus sic Dio-
nysius Syracusanorum tyrannus à filiabus etiam sibi me-
tuebat.

Diodorus
Siculi

LII. Denique nihil æque lethale ipsi est quam bo-
norum consortium, hi enim nec adulabuntur illi, nec ijs
ad maxima quæque scelera perpetranda uti potest, imo
nefaria consilia ac pessimam gubernandi rationem in vul-
gus spargent, unde nascetur odium animusque ad muta-
tionem promptus. hinc etiam fit ut plus confidat pere-
grinis quam civibus, illis quoniam jugum non ita recu-
sant: his, quoniam inviti illud subeunt, adeoque memo-
res libertatis ejus potentix plerumque sese opponant. in
universum tria sunt quæ tyrannicum statum evertere so-
lent, primum est mutuus inter cives amor atque benevo-
lentia, tum si facultata ac viribus valeant quibus ipsius
sese potentix opponere ac libertatem vindicare possunt,
& denique si cives sublima semper cogitent ac spiritus
alant generosos.

LIX. Hactenus de violentiore tyrannide; nunc
mollitorem quandam ejusdem evertendæ rationem vide-
bimus. quemadmodum autem regnum subvertitur si ni-
mis intendatur atque ad tyrannidem abeat, ita etiam hæc
quan-

quantum à vera regni natura abit tantum ruinæ atque interitu est propinquior. licet nunquam verè volentibus civibus exerceri possit, hoc enim essentialè est huic statui & in eo opponitur regis dominationi. quapropter videamus quibus vitij hæc tyrannidis species laboret & quas ob causas plarumque intereat.

LX. Primo nocet si talis subditis suis videatur, qui omnia in suum trahat commodum pecuniam publice collatam non in reipub. utilitatem sed voluprates, omnisque generis luxuriam convertat. quoniam enim pecunia ac communi utilitate mortales potius aut carius nihil habent, nihil quoque acerbius ferunt, quam ejusmodi bonorum jacturam ac petulantem profusionem: quæ suspitione plarumque augetur si expensarum atque acceptorum rationem reddere recuset, eo ipso enim non tam dispensatorem sese quam dominum, (invisum alias civibus nomen) publicorum bonorum profiteretur neque tamen tamen si publica bona publicum in commodum converterat, propterea inopia aliquando laborabit quisque qui cives in obsequio habeat, ac pro necessitate ipsis tributa imperare possit; ut taceam tantum pecuniæ, quisque qui sæpius bellis & alijs externis negotijs occupetur, tuto in absentia nec suis nec custodibus hanc rem constitutis committi. Odium denique pariunt immodicæ ac creberrimæ exactiones pro libidine non pro necessitate regni imperatæ; ideoque vel prorsus ab ijs abstinendum vel quædam illis necessitas assignenda. breve propterea fuit. C. Caligulæ imperium: non tantum enim omnem pecuniam à Tiberio relictam annuo temporis spatio dissipavit sed perpetuis exactionibus subditos porro oppressit atque exhausti. rectius suasit Mæcenas Augusto dicens eò libentius subditos tributa collaturos, quo principem

in re familiari publicaq; viderint diligentiores & minus sumtuosum. peccavit similiter Flavius Vespasianus, qui vedigal urinæ est commentus, rectè hoc institutum reprehendente filio Tito,

LXI. Sic etiam peccant tyranni qui imitantur imperitos statuarios: quemadmodum enim hi magnos ac validos visum in colossos existimant, si eos admodum divaricatis cruribus distentosque & hiantes fingant, sic si & ipsi vocis gravitate & vultus torvitate morum importunitate & aversatione convictus majestatem præ se ferant: verum sicuti nimia comitate perit auctoritas, ita nimia severitate amor, sublato amore unâ omne quod ad statum securitatem facit tollitur, quod si Cæsar in illa facilitate perstitisset, nec superbix sese tantopere permisisset tantum, odium nec sibi unquam conflasset, nec ignobili adeo morte perisset, fastus pessundedit Caligulam, Neronem, & alios; contra Augustus, utpote prudentior promiscuis salutationibus admittebat & plebem tanta comitate aduentium desideria excipiens, ut quendam joco corriguerit, quod sibi libellum porrigeret, quasi *elephantum stipem*. laudat ejusmodi humanitatem Cicero in Pompeio, quod nimirum ita faciles aditus ad eum privatorum, tamen libertæ querimonix de aliorum injurijs fuerint, ut *in quo dignitate principibus excelluit facilitate par infimis esse videtur*. Sic Franciscus I. Gallix rex ita comitate atque affabilitate claruit, ut domi forisque *deliciæ generis humani passim* nuncuparetur.

LXII. Verum quoniam per difficile est tyranno utrumque odium nempe atque contemptum suorum evitare, hunc tamen quibus potest artibus omnino à se declinare debet, potiusque illud Caligulæ atque Tiberi deridit dum metuant, imitarij: cor autem contemptus ipsi tan-

Suetonius
in vita.

Proleg.
Manil.

tantòpere noceat, quoniam supra à nobis fuit indicatum
ulterius nihil addimus. alia autem ratione avertere vix
poterit quam si prudentiæ civilis pariter atque militaris
cognitionem præ se tulerit.

LXIII. Præterea multum nocet tyranno contume-
lia civibus eorumq; liberis, conjugibus, & deniq; consan-
guineis à se vel uno suorum familiarum impune illata.
regem enim rectè agebat Theopompus, libertatem qui-
dem suis concedere posse, pro viribus tamen ipsi esse ad-
vigilandum ne subditi ab illis injuria afficianrur. Quod
si observasset Philippus & injuriam ab Attalo aulico Pau-
sanie illatam in tempore vindicasset, tam cito fortassis &
ignobili ad eò morte non petisset. Idem quoq; finem de-
dit Caligulæ, cum nec suæ amplius nec alienæ pudicitia
parceret: sicuti nefanda illius scelera pluribus persequi-
tur Suetonius in vita.

LXIV. Porro si quicquam tyrannidem evertit, ni-
mùm certè hoc facit voluptatis studium. parit enim con-
temptum, contemptu autem tyranno nihil exitiosius, ani-
mum namque addit subditis atque idoneam invadendi
præbet occasionem. qui enim remulentus ac luxuriosus
multiplices subditorum insidias, à quibus (quippe nolen-
tibus imperans) nunquam est tutus, aut providere aut pru-
denter excipere possit? exemplo sit Sardanapalus, Caligu-
la, Heliogabalus, Vitellius & alij. frugalitatem ac tempe-
rantiam in Cajo Iulio Cesare & Augusto vehementer ex-
tollit Suetonius, quorum ille tantæ fuit abstinentiæ, ut
vulgò jactatum sit *unum hunc ex omnibus ad evertendam rem-
publ. sebrinum accessisse*; hic vitam æternam ternis ferculis, aut
cum abundantissime, senis instruebat, ut non nimio sumtu, ita sum-
ma comitate.

LXV. Præterea quoniam tyranni saepe maximam

par-

Plutarchus
in vita,

Tacitus.
lib. 1. An-
nat,

partem in amore ac benevolentia subditorum est collo-
cata, illa autem donis ac munificentia comparetur, facile
pater, quantum noceat illiberalitas atque sordida quædam
parsimonia, præsertim in primis imperij exordijs. novus
enim princeps, novum quasi est imperium, novum autem
imperium omnes plerumque detrectant. hinc Alexan-
der interrogatus, quis optimus principum esset qui, in-
quit, *amicos donis retinet, & inimicos beneficiis amicos facit.* Ipse
quoque Aristoteles ad Alexandrum ita scripsit *avaritia
fugam atq; liberalitatu gratiam, rerum esse gloriam & regnorum
firmamentum.* Sic Augustus postquam militem donis, populum
annona, cunctos dulcedine orij pellexit, *insurgere paulatim, munus
senatus, magistratum, legum ad se trahere cepit, nullo adversa-
te; cum ferocissimi per acres aut proscriptione cecidissent, ceteri
nobilitum, quanto quis servitio promptior, honoribus & opibus extol-
lebatur.* idem sæpius jactabat se Romam relinquere mar-
moream quam accepisset lateritiam.

In principis
cap. 18.

LXVI. Porro quoniam nulla res multitudinem ef-
ficacius regit, quam religio sive vera illa sit sive simulata;
maximo fuit damno tyrannis si in opinione fuerit im-
pietatis. itaque ad salutem facit, vel specie tenus videri re-
ligiosos. *ferè enim homines, inquit Machiavellus specie ma-
gis & colore rerum, quam rebus ipsis permoventur, nam videndi
facultas omnes attingit, attreclandi verò paucos duntaxat; ne-
mon non videt, quid præ te feras, at pauci sunt, qui quis sis percipi-
unt.* Vtus est hac arte Numa Pompilius, qui congressum
Egefix Dæ simulans, eò ferocem populum redegit, *us
quod vi, ait Florus, & injuria occupaverat imperium, religione
atque iustitia gubernaret.* eadem arte usi sunt Sertorius, Sci-
pio, Mahomet, & in Africa Seriphij.

LXVII. Quoniam item injuriæ ac poenæ altius in
mortalium animos descendunt quam præmia, nihilque
sub.

subditorum animos magis abalienet quam poenarum inflictio, eaquæ à principibus facta, contra præmiorum collatio benevolentiam conservet, parum tyrannus sibi consulat, si pænarum curam ad se trahat, præmiorum verò collationem alijs committat. Hinc Bodinus inter magna arcana regni Gallici refert, quod rex præmiorum quidē conferendorum curam habeat poenarum vero inflictionem permittat Parliamentis, *hoc enim fit*, inquit, *ut omnium amore dignus rex habeatur, nullius odio*. similiter multum de subditorum erga principem amore detrahitur, si ipse primò detestabile carnificis munus obeat, tum si spectatorem se se præbeat, & denique si delectari ejusmodi supplicij videatur. hinc malè audit Balduinus VII. Flandriæ comes, qui duo equestres viros, qui quod tres mercatores per viam spoliassent, vocatos in palatium laqueo suspendit. Spectator olim fuit: Domitianus nostro tempore Carolus IX. &c.

LXII. Ad hæc pereunte proportione qua membra regni sibi invicem respondere debent, ipsa quoque firmitas regni pereat tandem necesse est, quod fit si patiarur tyrannus, ut unus ad tantam potentiam aspiret, quæ tandem sit formidabilis, præsertim si unus ille juxta potentiam generoso & ad maximas quasque res gerendas prompto sit animo. tanti autem viri potentiam uno impetu & quidem temporis articulo frangere velle, absurdum est & cum præsentij plerumque status ruina atque iteritu conjunctum. satius si sensim & progressu temporis in ordinem redigatur. exemplo sit C. Julius Cæsar, Pompeius & alij quos silentio nunc quidem præteribimus.

LXIX. Hactenus de mutationibus quibus qualibet respubl. ob vitia intrinsicè nata interit, de illis autem, quæ extrinsecus & calu quodam obveniunt, quales sunt si

terra motu, pestilentia, bello aut alio infortunio pereat quopiam nostri non est instituti nihil addemus, praesertim cum ea accurate satis Clarissimus vir Hugo Grotius lib. II. de jure pacis & belli c. 9. sit prosecutus.

LXX. Atque haec ferè causae sunt tum in communium privatim omnium illarum quae robusti publ. contingunt mutationum. Solent autem ab alijs & aliter adduci; quidam enim ex sideribus usque trahunt civitatis ejusque fortunam; quidam in numerorum arcanis viribus eam credunt collocatam; quidam & fatales spernunt conversiones. Sed prima opinio Chaldaicam respicit vanitatem, quam nunc argumentis refellere non est nostrum: postquam id ab alijs abunde est factum, imprimis vero Ioanne Pico Mirandulano principe, Hieronymo Savanarola, & Thoma Erasto hominibus sane longè eruditissimis. Similiter nec de numerorum potestate nunc disputabimus, quam licet maximam olim crediderit esse Pythagorae & Platonis schola, ab Aristotelis tamen disciplina dudum est exterminata.

LXXI. Esse autem interdum fatale aliquid in ruinis civitatum, id vero non credimus dissimendum, modo sati vox aut castigeretur, aut ex Christianae fidei consuetudine explicetur. saltem enim ex oraculis Hebraeorum prophetarum abunde constat, mutationibus rerum publ. divini quid subesse. imò vero usque adeo id manifestum est, ut non tantum omnes totius terrae populi hic cum primis divinam providentiam agnoverint, sed etiam ipsi met patres alioquin religionis cultores, praeter humani vni consilij arcanam aliquam fortunam sibi tamen constantem & quasi costricticem, adacti sint profiteri. Sed quomodo Deus verset res humanas majoris altioris est disquisitionis.

SCAZON

Ad præstantissimum juvenem

CHRISTIANVM WILHELMVM EN.

GELBRECHT, amicum dilectum.

*S*odale vulgus unde concitum turbet
 Ponatue : quid constringat arctius fastes,
 Aut solvat : ut corona compedes, sceptrum
 Fiat machæra fulminansque balista :
 Non Scævola enodant acuta responsa,
 Nescit Neratii docere membrana,
 Sed nobilis tentat nepos Aristonis,
 Divinorque perficit Stagiræus ;
 Illis magistris discitur, salutarem
 Patriæ tenere quod par est Senatorem,
 Sive urbium prævortier juvet morbis
 Seu vulneratis applicare fomenta.
 Hæc discit Engelbrechtus, atque perdiscit
 Hæc scripsit & max. voce differet viva.
 Adeste cuncti & indolem suis annis
 Velociorem contuemini, cives,
 Facundi ephebi. tuque Iulias mater
 Viduatapatre, filiis tuis gaude.,
 Max. & parentem providum receptura
 Qui sit labantis gloriosus assertor,
 Et improbi oppresso furore Gradiui
 Apollinis vindex chorique Musurum.

Christoph. Schrader.

Non medicus, non nauta suum feliciter unquam
 Officium peragat, ratio nisi post benè sensus
 Noverit eventus proprijs transferbere causis.
 Pol caret hoc dubio : neque enim sperare salutem

Aut æger poterit, nec porgere longius ævum;
Nec famæ superesse potest post damna sepulchri,
Qui fatum medicus viginti prævenit annis
Causarum rudis: est unà moritur, simul & cum
Corpore defuncti sepelitur fama medentis.
Si quis item dubijs committere flatibus alium
Sustinet, ignarus qua nam sint arte regendæ
Contra hyemes, nimbos, scopulos & saxa carinæ
Cedit in arbitrium pelagi, jactatur in undis
Non secus ac lignum, cui se commisit, & omnes
Præcipita, secumque malis involvit iisdem.
Hanc speciem merito observant, & jure tuentur,
Quorum homines inter suprema potentia, curis
Et rerum commissus apex; hi namque regentum
Nomina, remque ferunt hac navi, quique reguntur,
Sunt populi: tempestates, nimbi, atque procellæ,
Non aqua, non venti, non flatus non pluvix sunt
Quæ navi huic metuenda vident, qui mente serena
Adspiciunt proprius vili non obvia turbæ.
Quænam ea sint, ego mitto loqui. nam hoc quo minus at
Frigidus obstitit circum præcordia sanguis. (dar
Sunt alij, quos fors, natura, vigorque
Mentis ad excelsum rapit hoc, rapietque cacumen.
Hos inter, CHRISTIANE, tuus nunc eminet ardor
Ingenij, sobolemque probat virtute paterna
Dignam, perque gradus geminis enititur alis
Virtute & sophia, tristisque alimenta daturus
Invidiæ, ad famam, quique hinc nascetur, honorem.
Gratulor ex animo: vellem quoque sed pudor obstat
Quod mea dicta carent monitoris pondere, mentis
Impetus ut nunquam patrios languescat in ausus.

Hermannus Gokenhold Brunsvic.

F I N I S.

De Republica Romano-Germanica Jacobus Lampadius cum annotatione Hermannii Conringii.

Explicatio legis 11. 607. de usuratione pro bono Jacobi Lampadius

Eiusdem de natura nummi.

Germanicae Reipublicae Descriptio Jacobo Thuanus
De maiestatis civilis auctoritate et officio rive religiose Jacobus Lampadius.

Dissertatio ad Leg. 1. 60. Theophrasti de studiis liberalibus urbis Romae et (Poli) Germaniae Conringius.

De his, quae in studiis quovis requiruntur, qui in academia vel in studio fructum capere Hermannus Conringius.

Excerpta ex Joachimi Hopperi de vera civis prudentia, nempe de legum Romanarum interpretatione et de

lytica, Lorenti et Politia.

De habitibus corporum Germanicorum causis
mannus Conringius.

De usu principiorum moralium philosophiae
in iure civili condendo et interpretando
dissertatio Johannis Eisenhart.

Eiusdem de iuriconsultorum propria
facti scientia oratio.

De iure et civitate in genere considerata
dissertatio Milagius.

De Urbibus Germaniae Gerardus Hode.

De Republica in communi

De mutationibus verum publicarum Christiani
W. Engel-Brecht.